

明我不明汝有功於醫莫以加焉使父起予孝哉始余謂人而無毒何有痘患二三子皆曰然信之者亦多吾過矣吾過矣予喜汝之孝汝安我之喜喪祭之禮適以有亡吾何悲兮薄祚汝何恨兮天折是皆命也夫嗚呼兒兮尚饗

〔斷毒論 地〕避痘略

○中

本邦豆之八丈島信之御嶽秋山飛之白河北越之妻有紀之熊野防之岩國豫之露峯土之別枝肥之大村天草五島奧之蝦夷自古至今皆能避痘之傳染其避也非關籬藩離藥餌神符之所禦唯莫使有其氣者入界耳若有一人感之者則移居於山野使昔日疾之者供藥食待其全愈而得歸正戶若在他鄉之日流行則速遁去以此毒之傳染不翅曖近病者雖衣食器財出於其家者亦必傳輸毒氣故避之之嚴如此矣就中信之御嶽屬於中山道之傳郵遇痘毒流行之時有傭役則贖之不得已則被網而服事蓋俗諺所謂網目遮風之意乎其悚惕之狀可想而知矣人目笑之笑者智而被網者果愚乎重百年之性命而取一日之嘆孰與狎近惡毒之病而死非命焉善哉一郡一島能一其心戰競避天下周流之毒以保其性命不特保其性命至今爲避痘之鑑若無此鑑則萬世眩惑於天行氣運之妄說處之於人生必患之疾而孰曉死痘之非命乎冀教海內能避之則生民之幸莫大焉

〔辨醫斷上〕痘疹

痘疹一證上古所無也若或有此古人豈置而弗語哉何以言之蓋我九國邊邑有大村五島者其俗自古惡痘疹若蛇蝎然故有近邑或有是證禁其行旅不得入境弗得已必祓禳而許入焉故其兩邑雖迄乎今多不患痘由是觀之外有是氣則內毒乃相感而出如無是氣毒亦未由而外發也歟但當其不流行時間有一二患之者則是亦偶有所感而惑然耳然若斯者毒多不重重則非感天行之氣必不易于宜發矣彼以今有是證遂謂必不可無于古者蓋僻論也何則彼大村五島非蕞爾一兩邑乎猶且無是氣則亦不患是證而況於天下之大乎又況於古今之遼邈乎然則其說之不通也從可知矣